



6. maj 2025

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaateqarpunga.

Naalakkersuisunut apeqquteqaatit:

- 1. Qaqortumi mittarfiup sananeqaleruttortup tallinissaanut misissuinissaq neriorsuutaasimasoq sumut killippa?**
- 2. Naalakkersuisut oqaluuserisamut soqutiginaatilinnik allanik paasissutissiinnaanerlutik?**

(Inatsisartunut ilaasortaq Margrethe Thårup Andersen, Demokraatit)

Tunngavilersuut

Septembari 2023-imi taamanikkut Ineqarnermut attaveqaasersuutinullu Naalakkersuisoq aamma taamanikkut borgmesteriusoq Kommune Kujallermi naapipput. Tassungalu atatillugu Ineqarnermut Attaveqaasersuutinullu Naalakkersuisoq neriorsuivoq Qaqortumi mittarfissap tallineqarnissaanik kommunip kissaatigisaa misissussallugu.

Ulloq 18. november 2024 – tassa ukioq ataaseq sinnerlugu qaangiuttoq – Naalakkersuisup taassumarpiaap § 37-apeqqut normulik 2024-232 akissuteqarfigaa tassanilu ilisimatitsissutigisinnaallugu, apeqqummut misissuineq sulii naammassineqanngitsoq.

Kujataani innuttaasut aammalu politikerit pissangallutik utaqqipput apeqqutip taassuma akineqarnissaanut, taammaattumik suliaq sumut killinnersoq paaserusuppara.

Apeqquteqaatima ullut suliffiusut qulit iluanni akineqarnissaat qilanaaraara.